



925001-

- 925102

Med. St. Dr.

III

PROPOSITIO

C E L S I S S I M I

E T

REVERENDISSIMI DOMINI

D. JOANNIS PHILIPPI

Episcopi, & S. R. Imperij Principis

P A S S A V I E N S I S.

Sac: Ces: Majestatis Consiliarij Intimi

Actualis,

E T

Ad Comitata Generalia Electionis

Regis Poloniae.

Legati extraordinarij

Facta.

In Campo Electorali ad Varsaviam

Vigesima Prima Junij Anno Domini Millesimo

Sexcentesimo Nonagesimo Septimo.

*Eminentissime Reverendissimi Excellentissimi
Illustrissimi Admodum quoq; Reverendi
Illustres Magnifici ac Generosi Domini
Amici mei Honoratissimi.*

EXcelsus ille, seq; ipso superior animus, quo Sacra
Cæsarea eademq; Hungariæ, Bohemiæ, Dalmatiæ, Croatiæ,
Sclavoniæ, Regia Majestas Europæ fata intuetur; & vincit,
vix graviore unquam dolore percussus est, quam dum ad re-
liquas Christianæ Reipublicæ calamitates Serenissimi & Po-
tentissimi Principis, ac Domini, Domini IOANNIS III.
Regis vestri luctuosam bonis omnibus mortem accessisse in-
audijt.

Quæ licet *sibi* vicinum optimum, Confæderatum fortissimum
Fratrem Amantissimum : *Orbi Christiano* Barbarorum incur-
sionibus concusso, Atlantem alterum : Sed *huic præcipuè Re-*
gno, Regem suorum Antecessorum gloriam, vel adeptum, vel
supergressum, uno ictu ereptum ingemuerit : fortissimis ta-
men solatijs funesti casus acerbiter tolerat, dum Principem
illum ad superos quidem sibi semper propitios evocatum, Vos
tamen victoriarum illius socios, & adiutores, quorum fide-
litate, consilio, fortitudine, constantia res maximas gessit, ut
viduatæ Patriæ Patres, vivere, & vigere superstitibus videt.

Qui cum toto animo complexi Rempublicam, jacturam Regis
pulcherrimo libertatis partu compensaturi ad hæc Regiæ Ele-
ctionis Comitia conveneritis, mihiq; de hoc negotio inter
Europæa jam forsan maximo differendi copiam humanissime
feceritis, non melius tam muneri meo, quam exspectationi
vestræ satisfaciam, quam si Augustæ mentis interpres bene-
volentissimos illius sensus retulero, qui me sui in vos amoris
obsi.

925047

III

obsidem, & Legatum Extraordinarium ad Generalia hæc Comititia misit Augustissimus Romanorum Imperator.

Hujus ergo Clementissimo nomine Eminentia Vestra, Reverendissimis atq; Illustrissimis Paternitatibus, Excellentijs & Dominationibus Vestris amicissime salutatis, tam Sacerdotio, quam Regno fortunatissimum votorum eventum, & Polonæ libertatis triumphum intimis è præcordijs apprecor, palamq; cōtestor Sacram Cæsaream Majestatem, uti ab ipsis, delati sibi Romani Imperij, primordijs summæ sibi gloriæ duxit tuendæ Nobilissimi hujus Regni incolumitati, fidele consilium, fortem Industriam, vim deniq; Imperatoriam, & victrices Aquilas admove: ita mutuis contra Turcas auxilijs ad ampliores sui favoris testificationes excitatam, subsidiariam Augustæ Domûs potentiam, tam contra Barbaros à Christianis forsan Christi oblitis excitos, quam contra quoslibet Libertatis vestræ hâc in Electione inimicos abundantissime polliceri, nihil verò magis ad plenum felicitatis vestræ stabilimentum, & incrementum, *quàm Bonum Regem optare.*

Veram autem hujus Idæam parùm ad Poloniæ genium, usumq; efformasset, qui vel ab ingentibus belli trophæis, vel divitijs, vel à splendidissima quadam sed sæpè oculis imponente magnificentia; præcipua lineamenta duceret, coloremq; à Summis illis, sed sæpè nimis & formidandis virtutibus peteret. Quis enim Iulio Cæsare (ut recentibus exemplis abstineream) vel in pugnando animosior, vel in vincendo felicior, vel in largiendo copiosior, vel ad publicum decus magnificentior, sed quis etiam Romanæ Reipublicæ iniquior fuit?

Iactent ejusmodi Dominos per calcata pacta, & Regionum busta Magni nomen adeptos, nationes aliæ post latè prolatos Patriæ fines domesticam servitutem passæ. Libertas Polonæ Reipublicæ non bellicosissimum, non opulentissimum, non splendidissimum, & magnificentissimum quemvis, sed aptissimum, & moribus Patriæ, genio Civium, & fortunæ Regni convenientissimum Principem desiderat, tam cautè quidem attemperatis inter se virtutibus: ne in libertate natos vel minimum Ejus magnitudo premat, fortitudo terreat, opulencia

cia corrumpat, magnificentia exhauriat, Qui omnem suæ
gloriæ consumationem à legum observantia, à Senatûs con-
silijs, à fide Reipublicæ petat.

Talem autem uti sincerissimis votis Sacra Cæsarea Majestas
vobis auguratur: ita non aliunde post cæli gratias lætissimi
huius augurij effectum, quàm à singulorum *concordiâ & Bona*
Mente pēdere existimat. Quam si ad rectè intuendas Ecclesiæ
& Reipublicæ rationes erexeritis: cedent confestim malè im-
pressæ opiniones candidæ veritati, offensæ privatæ amor Patriæ,
singulorum utilitas saluti omnium: nihil impedire vos
possit, quin illi sceptrum Sarmatiæ deferatis, qui non tam
à vobis electus, quàm à Deo monstratus, oblatuſq; esse vi-
deatur.

Ad feliciorem porrò Coronidem magno huic Coronæ negotio
imponendam, ut libertate vestrâ præclare utamini Sacra Cæsa-
rea Majestas ipsa vos hortatur, atq; excitat. Tantum tamen
ab humanitate vestra sibi etiam promittit: ut sicut vos Egregia
libertatis vestræ documenta daturi estis, pari modo etiam Ille
insigne aliquod suæ gratitudinis specimen his in Comitijſ
edere possit.

Vt apertius agam, Sacra Cæsarea Majestas toti quidem *Poloniæ*
Regno, sed speciali quodam titulo *Regiæ Domui* ob recentissi-
mam victricium auxiliorum memoriam, quibus Vienna libe-
rata, Austria recuperata, Pannonia restituta est, cumulatissimas
gratias debet. Quarum fructus cum ad Regem illum Invictis-
simum pervenire amplius non possit: tenerrimos grati animi
affectus transfert in Filium Regium **P R I N C I P E M**
I A C O B V M.

Quem dum Suffragatrici prudentiæ, & æquanimitati vestræ,
majori, quàm potest, Imperialium officiorum intensione com-
mendat: adeò se libertati, & laudabili majorum vestrorum
consuetudini accommodat: ut in Augusto hoc Patrocinio
non tam amorem Austriæ, quam Poloniæ, & Lithuanix mo-
rem deprehensuri sitis, quo superstites Regum liberi Liberâ
Reipublicæ Voce ad Thronum vocati sunt. Sive novæ & alie-
næ potentiæ metu. Sive generosæ cuiusdam gratitudinis, &
spem

*Spem fortunamq; Filij ante Patrem sepelire aversantis incita-
mento. Sive præconcepta spe: vix alium melius regnaturum,
quàm qui regnandi artem à Parente, & Præceptore Rege di-
dicisset.*

Ex hac Coronati Magistri Schola Electoris populi votis P R I N-
C E P S I A C O B V S offertur. Qui Regio totiesq; Reipu-
blicæ devoto sanguine ortus, amorem Polonæ gentis &
virtutis à teneris imbibit. Mox crescentibus annis Paternis
victorijs ad sagi decora, consilijs ad togæ ornamenta, re-
gnandi artibus ad sustērandam Rempublicam ita institutus est:
ut quò Cælum, & sub eo Electoralis campus vocaret, ire
cum gloria, imò geminis velut alis, & meriti sui, & affectus
vestri evolare posset.

Quæ veritatis fiducia dicto insit, illi candidè, & animosè te-
stabitur, quibus vel laureatæ militiæ in castris, vel intimæ
admissionis, Honor in Aula Serenissimi Regis I O A N N I S
Tertij obtigit. Si enim insignem in bellica virtute profe-
ctum spectemus, in hujus gloriosissimi Parentis sui conspectu,
in oculis præstantissimorum Ducum, in sinu victoris exer-
citûs, pluribus ejusq; periculosissimis expeditionibus contra
Turcas, ac Tartaros non solum interfuit, sed ne ullum mili-
taris obsequij, magnanimitatis & constantiæ documentum
desiderari posset, *gloriæ potius & Bonæ Causæ*, quam *vitiæ*
memor ad nutum Regium in confertissimas Barbarorum tur-
mas lætus incurrit, viam armis aperuit, nec nisi fugato, aut
cæso hoste è media telorum tempestate, *Genuinus Polonæ*
Aquile Pullus ad Patrem rediit, non extra ictum spectare
conflictum, non fugam, vel deditionem hostium emere, sed
feriò ac strenuè agere, & utraq; manu in fortunam involare,
victoriamq; attrahere assuetum. Si Aulicæ & Gubernatri-
cis industriæ partes consideremus, accuratissimam quidem
hic Princeps è tot tamq; diversis castris populorum, locorum-
que notitiam, ac in confinibus validi & imbecilli cujuslibet
distinctam cognitionem ex Austriâ, Pannoniâ, Podoliâ, Da-
ciâ, & ultra Trajani fossam è vastissimis Vkrainæ, & Bessara-
biæ campis cum plausu reversus ad Aulam reportavit. Hic

B

tamen

tamen maximè in conclavi Regio Regnum Regni-familias, & arcanas Regiminis machinas, siue ubi feliciter moverentur; siue ubi difficultatum objectu in cursu hæerent, prosperis juxta, ac adversis motibus eruditus penitissimè introspectit. Hæc autem, quâ eximiè pollet militare & aulicarum rerum experienciâ, atq; comprehensio, uti Regi necessaria est: ita à Regio Principe bono publico impendenda singularis ejus pietas, reverentia Senatûs, amor civium, candor indolis, placabilitas animi, morum facilitas, scientiæ æstimatio, & magnas semper mentes comitata liberalitas sperare nos jubet.

Quibus dotibus si honorificentissimam cum Augustissimo Romanorum Imperatore, cum Potentissimo Hispaniarum Monarcha, cum Serenissimo Lusitaniæ Rege affinitatem, ac cum præcipuis Italiæ Germaniæq; Principibus arctissimam necessitudinem promeruit; non indignum Regno etiam se approbavit.

Non fractam autem huic ætatem, non lævam mentem, non pertinacia odia, non periculosa pacta, non fatales arbitrarij dominatus maximas, sed vegetas ad Regni onera vires, potentes amicitias, speciosas opes, moderatas cogitationes & cum pacatissimâ modestissimâ & piissimâ conjuge, si nondum summas illas, tam accommodatas tamen Senatui, Populoq; Polono virtutes inferet, ut timere minimum, sed inter plura emolumenta ab illo ipso Reipublicæ distinctius ex ponenda, eminentem, & maximè activam gratitudinem vobis polliceri possitis. Submittet enim Electrici sapientiæ, & humanitati vestræ tractabilem animum, indeq; Titî Cæsaris instar post delatum Imperium in dies melior, omnes Coronæ radios ad splendorem Reipublicæ, & ad illustrandos suæ fortunæ authores convertet.

Haftenus quidem nescio, an magis de Principis Regij prærogativis, quàm de publicis ex eo Regni commodis ad Augustissimi Cæsaris nutum, & eorum mentem differui, qui inter præsentis Europæ motus, quàm optimè consultum volunt securitati, tranquillitati, & dignitati Orbis Sarmatici. Vos jam longo rerum usu Prudentissimi Proceres recensita
Candi-

Candidati decora æquis mentis oculis subijcite, & cum illis adipiscendæ Coronæ impedimentis, quæ vel ingeniosa ad malum invidia, vel cauta nimium, timidaq; Politicè obijcit, cordatè conferte.

Non deerunt, ut arbitror, qui maximè honorificam quidem cum Domo Austriaca hujus Principis conjunctionem, sed libertati tandem Poloniæ formidandam putent. Sed hi nimium meticulosi futurorum Augures, non alibi melius, quam ad ipsos Regni limites timorem excutient. Qui ubi nationibus alijs se obvertit Austria, milite & munimentis vicino clausi, soli Poloniæ per ingentia regionum spatia aperti sunt: nullâ aliâ confinium custodiâ, quam utriusq; gentis mutuâ fide, & amore.

Hic amor *Coronam* Poloniæ Austriacis, hic *Cor* Austriæ, Vienne Poloniæ armatæ concredidit. Hic antiquas illas controversias non in longa odia, vel cruentorum progressuum bella, sed in restaurationem fæderum, & flagrantiorum animorum conglutinationem desinere jussit. Ac si certissimum amicitiae experimentum necessitas facit: nulla ferè gens alteri velocitate, ac felicitate pari, quam Austriaca Poloniæ, & Polona Austriacæ stantibus in ancipiti rebus opitulata est, sustentatq; se etiamnum ad invidiam & opprobrium hostium gloriosâ, & armorum & affectuum consociatione.

Addent alij hoc amicitiae nexu involvendum magis bello Austriaco PRINCIPEM IACOBVM dispendiosâ sacri fæderis continuatione exhaustiendum Regnum, ideòque alium minùs Austriæ devinctum præponendum esse. Isti verò non Poloniæ, non devotæ Christo Europæ, sed ejus hostibus immanissimis Mahometanis, quam optimè consulunt. Nam distractis, vel everfis *Austriæ Turribus*, magnum & integrum hætenus *Poloniæ murum* facilius rumpent, dejectisque tandem Christianæ Reipublicæ propugnaculis, ac ejus membris vel fraudulenta pace, vel repentinâ clade divulsis, nec Capiti, & Vaticano parcent.

Si alia deniq; Candidati acta non omnibus placuerint: Inge-

nux *bonitatis* erit, quædam sæculo, quædam malevolorum artibus, quædam intricatissimis inde negotijs imputare : *Gratitudinis*, cum de Filij Nævis agitur, clarissimorum etiam Patrisfacinorum, & acceptorum ab eo beneficiorum recordari : *Prudentiæ*, ita secum statuere : *Maculas donec solem, & vitia donec Principes fore, sed apud bonos nunquam publico noxia, & majori virtutum accessione superari.*

Quid jam aliud superest Excellentissimi Proceres & Nobilissimi Equites, nisi ut de fortunâ & gloria vestrâ tam sollicitis Augustissimi Cæsaris desiderijs liberis vocibus, animisq; fa-
veatis, qui propensionem in Regium Principem vestram pretiosis magni sui animi debitis adscribet, factiq; memoriam coronatæ posteritati transmittet. Ut dum stabit Domus Austriaca, stabit autem, *sustentante Deo, & hostium consilia in potentia fulcra convertente*, semper, inter mutui amoris triumphos perenni favorum reciprocatione Confæderata Austriæ POLONIA delectetur.



